

毛詩故訓傳

金壇段大令玉裁

訂圖

文王之什故訓傳第二十三 大雅

皇清經解

卷六百二十二

文王之什十篇六十六章四百一十四句

文王七章章八句

文王文王受命作周也

文王在上於昭于天周雖舊邦其命維新有周不顯帝命不時

文王陟降在帝左右 疊疊文王令聞不已陳錫哉周侯文王

孫子文王孫子本支百世凡周之士不顯亦世 世之不顯厥

猶翼翼思皇多士生此王國王國克生維周之楨濟濟多士文

王以寧 穆穆文王於緝熙敬止假哉天命有商孫子商之孫

皇清經解 卷六百二十二 段大令所訂毛詩故訓傳

一

子其麗不億上帝既命侯于周服 侯服于周天命靡常殷士

膚敏禠將于京厥作禠將常服黼冔王之蓋臣無念爾祖 無

念爾祖聿修厥德永言配命自求多福殷之未喪師克配上帝

宥鑒于殷駿命不易 命之不易無過爾躬宣昭義問有虞殷

自天上天之載無聲無臭儀刑文王萬邦作孚

在上在民上也於歎辭昭見也其命維新乃新在文王也有

周周也不顯顯也顯光也不時時也時是也文王陟降在帝

左右言文王升接天下接人也疊疊勉也哉載此謂侯維也

本本宗也支支子也凡周之士不顯亦世不世顯德乎士者

世祿也翼翼恭敬思辭也皇天楨幹也濟濟多威儀也穆穆

美也緝熙光明也假固也此謂商之孫子其麗不億上帝既

命侯于周服麗數也盛德不可爲眾也侯服于周天命靡常則見天命之無常也殷士殷侯也膚美敬疾也裸灌鬯也周人尙臭將行京大也黼白與黑也舛殷冠也夏后氏曰收周曰冕蓋進也無念念也聿述也永言配命自求多福永長言我也我長配天命而行爾庶國亦當自求多福殷之未喪師克配上帝帝乙已上也駿大也遏止義善虞度也載事刑法孚信也

大明八章四章章六句四章章八句

大明文王有明德故天復命武王也

明明在下赫赫在上天難忱斯不易維王天位殷適使不挾四方
方 擊仲氏任自彼殷商來嫁于周曰嬪于京乃及王季維德
皇清經解 卷六十三 殷大命所訂毛詩故訓傳 二

之行 大任有身生此文王維此文王小翼翼昭事上帝聿懷多福厥德不回以受方國 天監在下有命旣集文王初戴天作之合在洽之陽在渭之涘 文王嘉止大邦有子大邦有子倪天之妹文定厥祥親迎于渭造舟爲梁不顯其光 有命自天命此文王于周于京纘女維莘長子維行篤生武王保右命爾燮伐大商 殷商之旅其會如林矢于牧野維予侯興上帝臨女無貳爾心 牧野洋洋檀車煌煌駟彭彭維師尙父時維鷹揚涼彼武王肆伐大商會朝清明

明明在下赫赫在上明明察也文王之德明明於下故赫赫然著見于天忱信也天位殷適紂居天位而殷之正適也挾達也擊仲氏任擊國任姓之中女也 此當經作中傳作仲釋文正義所據未是也古

以中爲仲如中
興卽仲興亦是
嬪婦京大也王季大王之子文王之父也大

任仲任也仲本身重也回違也集就載識合妃也洽洽水也

渭渭水也浹厓也嘉美也倪磬也磬玉篇廣韻皆作罄蓄盡也騁馬曰磬語意略同猶

云竟是
天之妹
文定厥祥言大妣之有文德也祥善也親迎于渭言

賢聖之妃也造舟爲梁不顯其光言受命之宏王基乃始於

是也天子造舟諸侯維舟大夫方舟士特舟造舟然後可以

顯其光輝續繼也莘大妣國也長子維行長子長女也能行

大任之德焉篤厚右助變和也旅眾也如林言眾而不爲用

也按說文檣卽發石車引詩其檣如林毛鄭皆不作檣則說文所偁者三家詩也矢于牧野維予戾

興矢陳興起也言天下之望周也上帝臨女無貳爾心言無

敢懷貳心也洋洋廣也煌煌明也駢馬白腹曰駢言上周下

皇清經解 卷六十三 段大令所訂毛詩故訓傳

三

殷也師大師也尙父可尙可父鷹揚如鷹之飛揚也涼佐也

此謂涼卽肆疾也會朝清明會甲也會古外切甲與會雙聲亮之段借肆疾也會朝清明會甲也凡器之蓋曰會日之首

曰甲二者演之爲居首之稱貨殖傳蓋一州漢書作甲一州

詩之里明一謂甲子日一謂第一日天下清明也定本作會

甲兵坐不知由
音以推義耳
不崇朝而天下清明

緜九章章六句

緜文王之興本大王也

緜絲瓜陟民之初生自土漆沮依正義作漆沮古公亶父陶復陶穴未

有家室 古公亶父來朝趣馬趣字依玉篇引鄭云避惡早日疾早謂朝疾謂趣說文趣疾也

率西水滸至于岐下爰及姜女聿來胥宇 周原膺膺董荼如

飴爰始爰謀爰契我龜曰止曰時築室于茲 迺慰迺止迺左

迺右迺疆迺理迺宣迺敝自西徂東周爰執事 迺召司空迺

召司徒卑立室家其繩則直縮版以載作廟翼翼 椽之阿陋

從玉部手部作阿若从奕聲則不得音而音仍矣 度之薨薨築之登登削婁馮馮百堵

皆興馨鼓弗勝 迺立皋門皋門有伉迺立應門應門將將迺

立冢土戎醜攸行 肆不殄厥愍亦不隕厥問柝棫拔矣行道

允矣混夷駮矣維其喙矣 虞芮質厥成文王蹶厥生子曰有

疏附予曰有先後予曰有奔奏予曰有御侮

繇縣瓜瓞興也繇縣不絕貌瓜瓞瓜紹也瓞瓞也此傳之難讀由淺人

誤刪瓜瓞二字而以瓜逗紹也句耳瓜紹謂之瓜瓞瓜紹何以謂之瓜瓞瓞者瓞也小瓜之稱也瓜紹之瓜必小如瓞故謂之瓜瓞也何言乎瓜紹繼先歲近 民周民也自用土居也

本之實也爾雅其紹瓞當作瓜紹瓞 漆漆水沮沮水也古公幽公也古言久也置父字或殷以名

言質也古公處幽狄人侵之事之以皮幣不得免焉事之以

犬馬不得免焉事之以珠玉不得免焉乃屬其耆老而告之

皇清經解 卷六十三 段大令所訂毛詩故訓傳 四

曰狄人之所欲者吾土地也吾聞之君子不以其所養人者

害人二三子何患乎無君去之踰梁山邑於岐山之下幽人

曰仁人之君不可失也從之如歸市陶復陶穴陶其土而復

之陶其壤而穴之未有家室室內曰家未有寢廟亦未敢有

家室率循也澍水厓也姜女大姜也胥相此相字依今法讀去聲古無平去分

別 宇居也周原漆沮之閔也瞻廡美也董菜也茶苦菜也契

開也慰安爰於也其繩則直言不失繩直也乘謂之縮箋云乘當

繩作廟翼翼君子將營宮室宗廟為先廡庫為次居室為後

椽藁也此謂椽即輦字之段借藁裡徒土輦也 阿阿取也度之薨薨度居也毛

居鄭云投韓詩云填三者同意 薨薨言百姓之勸勉也薨薨二字今補薨當讀莫滕反與懋慎疊

壘沒沒勉勉皆雙聲登登用力也削婁馮馮削牆鍛婁之聲馮馮然音

樓空也鍛婁者搥打空音篋劫突處馮馮堅實聲也皆俱也馨大鼓也長一丈二尺或

馨或鼓經文馨鼓分大小言勸事樂功也迺立皋門皋門有伉迺立

應門應門將將王之郭門曰皋門伉高貌王之正門曰應門

將將嚴正也美大王作郭門以致皋門作正門以致應門焉

迺立冢土戎醜依行冢大戎大醜眾也冢土大社也起大事

動大眾必先有事乎社而後出謂之宜美大王之社遂為大

社也肆故今也愠恚隕隊也兌成蹊也駮突喙困也方言瘳極也又

日瘳極也皆即此經喙字外傳余病喙章注短氣兒質成也成平也蹶動也虞芮之君

相與爭田久而不平乃相謂曰西伯仁人也盍往質焉乃相

與朝周入其竟則耕者讓畔行者讓路入其邑男女異路班

皇清經解卷之五十五 段大令所訂毛詩故訓傳 五

白不提挈入其朝士讓為大夫大夫讓為卿一國之君感而

相謂曰我等小人不可以履君子之庭乃相讓以其所爭田

為閔田而退天下聞之而歸者四十餘國牽下親上曰疏附

相道前後曰先後喻德宣譽曰奔奏武臣折衝曰御侮

棫樸五章章四句

棫樸文王能官人也

芄芃棫樸薪之醜之爾釋文醜作檜濟濟辟王左右趨之濟濟辟王

左右奉璋奉璋峩峩髦士攸宜泚彼涇舟烝徒楫之周王于

邁六師及之俶彼雲漢為章于天周王壽考遐不作人追

琢其章金玉其相勉勉我王綱紀四方

芄芃棫樸薪之醜之興也芃芃木盛貌棫白桤也樸枹木也

方言樸字卽此經及考工記之樸字

廼積也山木茂盛萬民得而薪之賢人眾

多國家得用蕃興趣趨也

此謂段借半圭曰璋裁裁盛壯也髦俊

也溲舟行貌楫擢也

擢从手引也俗字从木六師天子六軍倬大也雲

漢天河也遐不作人遐遠也遠不作人也

此當云遠作人也

追彫也金曰彫玉曰琢相質也

早麓六章章四句

早麓受祖也周之先祖世修后稷公劉之業大王王季申以百

福千祿焉

此是千字假樂箋曰子孫得祿千億是也

瞻彼早麓榛楛濟濟豈弟君子千祿豈弟

中豈弟君子福祿攸降

鸞飛戾天魚躍于淵豈弟君子遐不作人

清酒既載駢牡既備以享以祀以介景福

瑟彼柞械

皇清經解 卷之皇三 段大令所訂毛詩故訓傳 六

民所燎矣豈弟君子神所勞矣 莫莫葛藟施千條枚豈弟君子求福不回

早山名也麓山足也濟濟眾多也千祿豈弟千求也言陰陽

和山藪殖故君子得以千祿樂易玉瓚圭瓚也黃金所以飾

句絕此從流鬯也九命然後錫以秬鬯圭瓚鸞飛戾天魚躍

正義本于淵言上下祭也清酒既載駢牡既備言年豐畜碩也以享

以祀以介景福言祀所以得福也瑟眾貌莫莫施貌

思齊五章二章章八句三章章四句

思齊文王所以聖也

思齊大任文王之母思媚周姜京室之婦大妣嗣徽音則百斯

男 惠于宗公神罔時怨神罔時恫刑于寡妻至于兄弟以御

于家邦 雖雖在宮肅肅在廟不顯亦臨無射亦保 肆戎疾
不殄烈假不瑕不聞亦式不諫亦入 肆成人有德小子有造
古之人無斃譽髦斯士

齊莊嬀愛也周姜大姜也京室王室也大嬀文王之妃也則
百斯男大嬀十子眾妾則宜百子也宗公宗神也恫痛也刑
法也寡妻適妻也御迎也雖雖和也肅肅敬也不顯亦臨以
顯臨之無射亦保保安無厭也肆戎疾不殄肆故今也戎大
也故今大疾害人者不絕之而自絕也烈業假大也不聞亦
式不諫亦入言性與天合也造爲也斃厭也髦俊也 依釋文
有此六
字無古之人無厭於有
譽之俊士也十二字

皇矣八章章十二句

皇清經解

卷之三

段大令所訂毛詩故訓傳

七

皇矣美周也天監代殷莫若周也世世修德莫若文王

此從崔
集注本

皇矣上帝臨下有赫監觀四方求民之莫維此二國其政不獲

維彼四國爰究爰度上帝耆之憎其式廓乃眷西顧此維與宅
作之屏之其菑其翳修之平之其灌其楛啓之辟之其穰其

楛攘之剔之其壓其柘帝遷明德申夷載路天立厥妃受命既

固 帝省其山柞棫斯拔松柏斯兌帝作邦作對自大伯王季

維此王季因心則友則友其兄則篤其慶載錫之光受祿無喪

奄有四方

維此王季

按王季左
傳作文王

帝度其心貉其德音其德克

明克明克類克長克君王此大邦克順克比比于文王其德靡

悔既受帝祉施于孫子 帝謂文王無然畔援無然歆美誕先

登于岸密人不共敢距大邦侵阮徂共王赫斯怒爰整其旅以

按祖族以篤于周祐以對于天下 依其在京侵自阮疆陟我
高岡無矢我陵我陵我阿無飲我泉我泉我池度其鮮原居岐
之陽在渭之將萬邦之方下民之王 帝謂文王子懷明德不
大聲以色不長夏以革不識不知順帝之則帝謂文王詢爾仇
方同爾弟兄以爾鉤援與爾臨衝以伐崇墉 臨衝閑閑崇墉
言言執訊連連攸馘安安是類是禡是致是耐四方以無侮臨
衝弗弗崇墉仡仡是伐是肆是絕是忽四方以無拂

皇大莫定也二國殷夏也彼彼有道也四國四方也究謀度

居也毛傳度訓居二見脰與皇矣也耆惡也耆即嗜好字耆訓惡猶亂訓治祖訓存憎其式廓

廓大也憎其用大位行大政西顧顧西土也宅居也木立死

曰菑自弊爲翳灌叢生也桷桷也榑河桷也楛楛也壓山桑

皇清經解 卷六十三 段大令所訂毛詩故訓傳

八

也帝遷明德徙就文王之德也申習此謂申即慣之段借慣說文作攢作遺申即說

文母 夷常路大也如嬾也兌易直也兌與殷武九九古同對音同義兌从谷聲

配也自大伯王季從大伯之見王季也因親也善兄弟曰友

慶善光大也喪亾奄大也心能制義曰度貉諍也德正應和

曰貉照臨四方曰明類善也勤施無私曰類教誨不倦曰長

賞慶刑威曰君此章故訓本左氏已上三十三字各本係箋自屬外誤今正之慈和徧服曰

順擇善而從曰比經緯天地曰文無然畔援無然歆羨無是

畔道無是援取無是貪羨此謂歆即貪之段借賈逵注國語本此岸高位也密

人不共敢距大邦侵阮祖共國有密須氏侵阮遂往侵共也

旅師按止也旅地名也對遂也京大阜也矢陳也小山別大

山曰鮮將側也此從雙聲得其訓詰與行翻也同方則也懷歸也不大聲以

色不大聲見於色不長夏以革革更也不以長大有所更仇
匹也鉤援鉤鉤梯也以鉤引上城者以引臨臨車也衝衝車釋援
也墉城也閉閉動搖也言言高大也連連徐也攸所也敵獲
也不服者殺而獻其左耳曰馘於內曰類於野曰禡致致其
社稷羣神附附其先祖爲之立後尊其尊而親其親弗弗疆
盛也乞乞猶言言也肆疾也忽滅也

靈臺五章章四句

靈臺民始附也文王受命而民樂其有靈德以及鳥獸昆蟲焉
經始靈臺經之營之庶民攻之不日成之 經始勿亟庶民子
來王在靈囿麀鹿攸伏 麀鹿濯濯白鳥嚮嚮王在靈沼於初
魚躍 虞業維縱賁鼓維鏞於論鼓鍾於樂辟靡 於論鼓鍾
皇清經解 卷六 皇主 段大令所訂毛詩故訓傳 九
於樂辟靡 鼙鼓逢逢 矇奏公

神之精明者稱靈四方而高曰臺經度之也攻作也不日成
之不日有成也囿所以域養禽獸也九有亦言九域亦言九圍天子百里
諸侯四十里靈囿言靈道行於囿也麀也濯濯娛遊也嚮
嚮肥澤也沼池也靈沼言靈道行於沼也初滿也植者曰虞
橫者曰柶業大版也縱崇牙也賁大鼓也鏞大鍾也論思也
定本及集注釋文有此三字論同論思同臆理之臆箋申毛耳說文公部曰論思也論部曰論理也思如角有臆理毛謂論爲角之段借鼓與鍾合其思理書所謂無相奪倫記所謂論倫無思也水旋上如壁曰辟靡以
節觀者鼉魚屬逢逢和也有眸子而無見曰矇無眸子曰瞍

公事也

下武六章章四句

下武繼文也武王有聖德復受天命能昭先人之功焉

下武維周世有哲王三后在天王配于京 王配于京世德作求永言配命成王之孚 成王之孚下土之式永言孝思孝思

維則 媚茲一人應侯順德永言孝思昭哉嗣服 昭茲來許

繩其祖武於萬斯年受天之祜 受天之祜四方來賀於萬斯

年不遐有佐

武繼也三后大王王季文王也王武王也式法也孝思維則

則其先人也一人天子也應當侯維也許進繩戒武迹也不

遐有佐遠夷來佐也

此皆不警警也不盈盈也之例不遠有佐者遠夷來佐也遐不作人者遠作人也

文王有聲八章章五句

皇清經解

卷六十三

段大令所訂毛詩故訓傳

十

文王有聲繼伐也武王能廣文王之聲卒其伐功也

文王有聲通駿有聲通求厥寧通觀厥成文王丞哉 文王受

命有此武功既伐于崇作邑于豐文王丞哉 築城伊瀆作豐

伊匹匪棘其欲通追來孝王后丞哉 王公伊濯維豐之垣四

方攸同王后維翰王后丞哉 豐水東注維禹之績四方攸同

皇王維辟皇王丞哉 鎬京辟雍自西自東自南自北無思不

服皇王丞哉 考卜維王宅是鎬京維龜正之武王成之武王

丞哉 豐水有芑武王豈不仕詒厥孫謀以燕翼子武王丞哉

丞謂也滅成溝也

此謂滅卽泐之段借韓詩正作泐古文闕作闕

匹配也后君也濯

大翰翰也績業皇大也鎬京辟雍自西自東自南自北無思

不服武王作邑於鎬京也芑草也仕事燕安翼敬也

皇清經解卷六百二十二終

漢軍生員樊封校

皇清經解

卷六百二十二

段大令所訂毛詩故訓傳

十一

皇清經解卷六百二十三

學海堂

毛詩故訓傳

金壇段大令

玉裁訂

生民之什故訓傳第二十四 大雅

生民之什十篇六十五章四百三十三句

生民八章四章章十句四章章八句

生民尊祖也后稷生於姜嫄文武之功起於后稷故推以配天焉

厥初生民時維姜嫄生民如何克禋克祀以弗無子履帝武敏歆攸介攸止載震載夙載生載育時維后稷 誕彌厥月先生如達不圻不副無蕃無害以赫厥靈上帝不宥不康禋祀居然生子 誕寘之隘巷牛羊腓字之誕寘之平林會伐平林誕寘

皇清經解

卷香十三

段大令所訂毛詩故訓傳

一

之寒冰鳥覆翼之鳥乃去矣后稷呱矣 實覃實訃厥聲載路

誕實匍匐克岐克嶷以就口食蓺之荏菽荏菽旆旆禾役穰穰麻麥嚶嚶瓜瓞嗒嗒 誕后稷之穡有相之道弗厥豐草種之

黃茂實方實苞實種實裒實發實秀實堅實好實穎實粟卽有邠家室 日覽說文水經注引皆無卽字 誕隆嘉種維秬維秠維糜維芑恆之

秬秠是穫是畝恆之糜芑是任是負以歸肇祀 誕我祀如何或春或揄 當依說文作百 或簸或蹂釋之溲溲烝之浮浮載謀載惟取

蕭祭脂取珉以軼載燔載烈以興嗣歲 卬盛于豆于豆于登其香始升上帝居歆胡臭亶時后稷肇祀庶無罪悔以迄于今

生民本后稷也姜嫄姜姓也后稷之母配高辛氏帝焉克禋克祀以弗無子禋敬弗去也去無子求有子古者必立郊禘

焉玄鳥至之日以大牢祀于郊禘天子親往后妃率九嬪御
乃禮天子所御帶以弓鞬授以弓矢于郊禘之前履踐也帝
高辛氏之帝也武迹敏疾也從於帝而見於天將專齊敏也
歆饗介大也攸止福祿所止也震動夙早育長也后稷周棄
也勤播百穀以利民死于黑水之山韋昭注魯語稱毛詩傳
如是魏志杜畿傳引之
今據補 誕大彌終達達生也達生之達今補達生謂沓生言
重沓而生此與車攻傳烏達屨
也皆段達爲沓姜嫄之子首生者乃如重沓而生之易然先
釋達而後釋先生如白華傳先釋烘燂而後釋桑薪文法同
也 先生今補姜嫄之子先生者也不墀不副無苗無害言易

也凡人在母母則病生則墀副舊害其母橫逆人道赫顯也
不寧寧也不康康也誕寘之隘巷牛羊腓字之誕大寘置腓
辟字愛也天生后稷異之於人欲以顯其靈也帝不順天是
皇清經解 卷本皇十三 段大令所訂毛詩故訓傳 二

不明也故承天意而異之於天下誕寘之平林會伐平林牛
羊而碎人者理也置之平林又爲人所收取之誕寘之寒冰
鳥覆翼之大鳥來一翼覆之一翼藉之人而收取之又其理
也故置之於寒冰鳥乃去矣后稷呱呱於是知有天異往取
之矣后稷呱呱然而泣覃長許大路大也岐知意也疑識也

說文引詩作嘒太玄擬同嘒今本毛詩作疑淺人依岐字偏
旁改之耳岐知古音同在十六部疑識古音同第一節此古
於墨韻得訓之太凡也岐者山之兩岐也心之開明似之故
曰知意擬者心口閉有所識也故曰識也皇矣亦不識不知
故曰在菽戎菽也旃旃然長也役列也役者穎之段借說文引
正作穎列者梁之段借

粟黍稷也禾 穉穉苗好美也矇矇然茂盛也嗉嗉然多實也
相助也芾治也坤多曰芾治艸曰芾
甫治亂曰亂也黃嘉穀也碩鼠傳曰苗嘉
穀也說文曰禾嘉穀也粟嘉穀實也凡言嘉
穀皆謂禾生曰苗秀曰禾 茂美也方極畝也苞本也種職

種也

古多以穫爲集毛云穫種鄭云生不穫實一說也集種者種純粹之謂

喪長也發盡發也

不榮而實曰秀穎垂穎也粟其實粟然有節家室節姜嫄

謂后稷於節是家是室也

堯見天因節而生后稷故國后稷於節

命使事天以顯神順天命耳

凡傳言耳者而巳之合聲也

誕降嘉種天降

嘉種也秬黑黍也秠一稔二米也糜赤苗也芑白苗也恆徧

也以歸肇祀肇始也始歸郊祀也榆扞白也或敷或蹂或敷

康者或蹂米者也

依定本作米爲長下文箋云后稷既爲郊祀之酒及其米案糜米卽今人泚米以手

重捺之蹂之言柔也下文禱之漶漶則疏散釋浙米也漶漶之漶去康皮也一事中分二層箋說未愜

聲也浮浮氣也嘗之日涖下來歲之芟獮之日涖下來歲之

戒社之日涖下來歲之稼所以興來而繼往也載謀載惟穀

孰而謀陳祭而卜矣取蕭祭脂取羝以較取蕭合黍稷臭達

皇清經解

卷六皇三

投大令所訂毛詩故訓傳

三

牆屋先奠而後爨蕭合馨香也羝牡羊較道祭傳火曰燔貫

之加于火曰烈以典嗣歲興來歲繼往歲也卬我木曰豆瓦

曰登豆薦菹醢登大羹也迄至也

行葦七章二章章六句五章章四句

行葦忠厚也周家忠厚仁及草木故能內睦九族外尊事黃耆

養老乞言以成其福祿焉

敦彼行葦牛羊勿踐履方苞方體維葉泥泥戚戚兄弟莫遠具

爾或肆之筵或授之几肆筵設席授几有緝御或獻或酢洗

爵奠擘

醢醢以薦或燔或炙嘉穀脾臑或歌或琴敦弓既

堅四鍤既鈞舍矢既均序賓以賢敦弓既句既挾四鍤四鍤

如樹序賓以不侮曾孫維主酒醴維醕酌以大斗以祈黃耆

嘉告 其告維何籩豆靜嘉朋友攸攝攝以威儀 威儀孔時
君子有孝子孝子不匱永錫爾類 其類爲何家室之畱君子
萬年永錫胙膺 其膺維何天被爾祿君子萬年景命有僕
其僕維何釐爾女士釐爾女士從以孫子

既者盡其禮終其事將行也融長朗明也令終始於饗燕終
於享祀俶始也公尸天子以卿言諸侯也籩豆靜嘉恆豆之
菹水草之和也其醢陸產之物也加豆陸產也其醢水物也
籩豆之薦水土之品也不敢用常褻味而貴多品所以交於
神明者言道之徧至也朋友攸攝攝以威儀言相攝佐者以
威儀也匱竭類善也畱廣也膺嗣也祿福也僕附也釐子也

鳧鷖五章章六句

皇清經解

卷之三

段大令所訂毛詩故訓傳

五

鳧鷖守成也太平之君子能持盈守成神祇祖考安樂之也
鳧鷖在涇公尸來燕來寧爾酒既清爾殽既馨公尸燕飲福祿
來成 鳧鷖在沙公尸來燕來宜爾酒既多爾殽既嘉公尸燕
飲福祿來爲 鳧鷖在渚公尸來燕來處爾酒既清爾殽伊脯
公尸燕飲福祿來下 鳧鷖在深公尸來燕來宗既燕于宗福
祿攸降公尸燕飲福祿來崇 鳧鷖在壘公尸來止熏熏旨酒
欣欣燔炙芬芳公尸燕飲無有後艱

鳧鷖在涇鳧水鳥也鷖鳧屬太平則萬物眾多馨香之遠聞
也沙水旁也宜宜其事也爾酒既多爾殽既嘉言酒品齊多
而殽備美也福祿來爲厚爲孝子也渚沚也處止也深水會
也宗尊也崇重也壘山絕水也熏熏和說也欣欣然樂也芬

芬香也無有後艱言不敢多祈也

假樂四章章六句

假樂嘉成王也

假樂君子顯顯令德宥民宥人受祿于天係右命之自天申之
千祿百福子孫千億穆穆皇皇宥君王不愆不忘率由舊
章 威儀抑抑德音秩秩無怨無惡率由羣匹受福無疆四方
之綱 之綱之紀燕及朋友百辟卿士媚于天子不釋文解于
位民之攸暨

假嘉也

此謂

段借宥民宥人宥安民宥官人也申重也宥君王

宥君王天下也抑抑美也秩秩有常也朋友羣臣也暨息也

公劉六章章十句

皇清經解

卷之三

段大令所訂毛詩故訓傳

六

公劉召康公戒成王也成王將蒞政戒以民事美公劉之厚於
民而獻是詩也

篤公劉匪居匪康迺場迺疆迺積迺倉迺裹餼糧于橐于囊思
輯用光弓矢斯張干戈戚揚爰方啓行 篤公劉于胥斯原既

庶旣繁旣順迺宣而無永嘆陟則在獻復降在原何以舟之維
玉及瑤鞞琫容刀 篤公劉逝彼百泉瞻彼溥原迺陟南岡迺

覲于京京師之野于時處處于時廬旅于時言言于時語語

篤公劉于京斯依踰踰濟濟俾筵俾几旣登迺依迺造其酋執
豕于牢酌之用飽食之飲之君之宗之 篤公劉旣溥旣長旣

景迺岡相其陰陽觀其流泉其軍三單度其隰原徹田爲糧度
其夕陽幽居允荒 篤公劉于幽斯館涉渭爲亂取厲取磬止

基迺理爰眾爰有來其皇澗迺其過澗止旅迺密芮翰之卽

篤厚也公劉居於邠而遭夏人亂迫逐公劉公劉乃辟中國

之難遂平西戎而遷其民邑於豳焉迺場迺疆言修其疆場

也迺積迺倉言民事時和國有積倉也小曰橐大曰囊思輯

用光言民相與和睦以顯於時也弓矢斯張干戈戚揚爰方

啓行戚斧也揚鉞也張其弓矢秉其干戈戚揚以方開道路

去之幽蓋諸侯之從者十有八國焉青相宜徧也無永嘆民

無長嘆猶文王之無悔也正義云皇矣其德靡懈毛意不與鄭同 獻小山別於

大山也舟幣也舟卽舟之段借故訓爲帶 維玉及瑤言有美德也下曰鞞

上曰琫言德有度數也容刀言有武事也溥大觀見也京師

之野言是京乃大眾所宜居之野也此從正義廬寄也直言曰言

皇清經解 卷六皇三 段大令所訂毛詩故訓傳 七

論難曰語既登乃依賓己登席坐矣乃依几矣曹羣也執豕

于牢新國則殺禮也酌之用匏儉以質也君之宗之爲之君

爲之大宗也既景迺圖考於日景參之高岡三單相襲也徹

治也山西曰夕陽荒大也館舍也正絕流曰亂破破石也此從

釋文箋釋傳破石字云 皇澗澗名也迺鄉也過澗澗名也密

破石所以爲鍛質也 安也此謂密卽芮水厓也此謂芮卽 鞞究也

澗酌三章章五句

澗酌召康公戒成王也言皇天親有德饗有道也

澗酌彼行潦挹彼注茲可以餽饁豈弟君子民之父母 澗酌

彼行潦挹彼注茲可以濯鬻豈弟君子民之攸歸 澗酌彼行

潦挹彼注茲可以濯漑豈弟君子民之攸暨 漑當同匪 風作概

迴遠也此謂洞卽迴之假借行潦流潦也餽餽也饔酒食也豈弟君子

民之父母樂以強教之易以說安之民皆有父之尊有母之

親濯滌也鬯祭器漑清也清淨古今字

卷阿十章六章章五句四章章六句

卷阿召康公戒成王也言求賢用吉士也

有卷者阿票風自南豈弟君子來游來歌以矢其音 伴奭爾

游矣優游爾休矣豈弟君子俾爾彌爾姓似先公酋矣 爾土

宇販章亦孔之厚矣豈弟君子俾爾彌爾性百神爾主矣 爾

受命長矣弗祿爾康矣豈弟君子俾爾彌爾性純嘏爾常矣

有馮有翼有孝有德以引以翼豈弟君子四方爲則 顛顛印

印如珪如璋令聞令望豈弟君子四方爲綱 鳳皇于飛翾翾

皇清經解 卷之三 段大令所訂毛詩故訓傳

八

其羽亦集爰止藹藹王多吉士維君子使媚于天子 鳳皇于

飛翾翾其羽亦傳于天藹藹王多吉人維君子命媚于庶人

鳳皇鳴矣于彼高岡梧桐生矣于彼朝陽葦葦萋萋離離喈喈

君子之車旣庶且多君子之馬旣閑且馳矢詩不多維以遂

歌

有卷者阿票風自南興也卷曲也票風迴風也惡人被德化

而消猶票風之入曲阿也矢陳也伴奭廣大有文章也彌終

也似嗣也會終也販大也蕝小也嘏大也有馮有翼道可馮

依以爲輔翼也引長翼敬也顛顛溫貌印印盛貌鳳皇靈鳥

仁瑞也靈鳥當是禮鳥轉寫失之騶虞義獸有至信之德則應之麟信獸而應禮鳳皇禮鳥有仁德則應之三傳

皆與古左氏說同服虔曰修其母致其子視明禮修而麟至思睿信立而白虎擾言從父成而神龜在沼聽聰知正而名

川出龍貌恭性
仁則鳳皇來儀雄曰鳳雌曰皇翩翩眾多也藹藹猶濟濟也

梧桐生矣于彼朝陽梧桐柔木也山東曰朝陽梧桐不生山

岡大平而後生朝陽奉奉妻妻梧桐盛也雖離啗啗鳳皇鳴

也臣竭其力則地極其化天下和洽則鳳皇樂德君子之車

既庶且多君子之馬既閑且馳上能錫以車馬行中節馳中

法也矢詩不多維以遂歌不多多也明王使公卿獻詩以陳

其志遂為工師之歌焉

民勞五章章十句

民勞召穆公刺厲王也

民亦勞止汙可小康惠此中國以綏四方無縱詭隨以謹無良

式邊寇虐懼不畏明秣遠能邇採依釋文以定我王 民亦勞止汙

皇清經解 卷六皇主 段大令所訂毛詩故訓傳

九

可小休惠此中國以為民逋無縱詭隨以謹愾愾式邊寇虐無

俾民憂無棄爾勞以為王休 民亦勞止汙可小息惠此京師

以綏四國無縱詭隨以謹罔極式邊寇虐無俾作慝敬慎威儀

以近有德 民亦勞止汙可小愾惠此中國俾民憂泄無縱詭

隨以謹醜厲式邊寇虐無俾正敗戎雖小子而式引大 民亦

勞止汙可小安惠此中國國無有殘無縱詭隨以謹繼繼式邊

寇虐無俾正反王欲玉女是用大諫

汙危也中國京師也四方諸夏也詭隨詭人之善隨人之惡

者詭責也箋云詭人之善不自行以謹無良愾小以愾大也愾曾也諺文引作晉

秣安也休定也逋合也愾愾大亂也休美也息止也慝惡也

以近有德求近德也愾息泄去也泄與慝同經典多段泄為慝醜眾厲危

也戎大也賊義曰殘纒纒反覆也

板八章章八句

板凡伯刺厲王也

上帝板板下民卒瘁出話不然爲猶不遠靡聖管管不實于亶
猶之未遠是用大諫 天之方難無然憲憲天之方蹶無然泄
泄辭之輯矣民之洽矣辭之釋矣民之莫矣 我雖異事及爾
同寮我卽爾謀聽我蹻蹻我言維服勿以爲笑先民有言詢于
芻蕘 天之方虐無然譴譴老夫灌灌小子躑躑匪我言耄爾
用憂譴多將煇煇不可救藥 天之方癢無爲夸毗威儀卒迷
善人載尸民之方殿屎則莫我敢葵喪亂蔑資曾莫惠我師

皇情經解

卷之三

段大合所訂毛詩故訓傳

十

民之多僻無自立辟 佞人維藩大師維垣大邦維屏大宗維
翰懷德維寧宗子維城無俾城壞無獨斯畏 敬天之怒無敢
戲豫敬天之渝無敢馳驅昊天曰明及爾出王昊天曰旦及爾
游羨

板板反也上帝以稱王者也瘳病也話善言也猶道也管管
無所依繫亶誠也猶圖也憲憲猶欣欣也蹶動也泄泄猶舍
杳也輯和洽合釋說莫定也寮官也蹻蹻猶蒼蒼也芻蕘薪

采者

薪采者見穀梁傳

譴譴然喜樂也灌灌猶款款也躑躑驕兒八

十曰耄煇煇然熾盛也癢怒也夸毗體柔人也殿屎呻吟也

此謂殿屎卽唵呬之段借借說文正作唵呬

蔑無資財也牖道也

此謂牖卽誘之段借召南傳曰誘道

也如堦如筮言相和也如璋如圭言相合也如取如攜言必

從也辟法也价善也藩屏也垣牆也大宗王者天下之大宗
也翰幹也此謂懷和也戲豫逸豫也馳驅自恣也王往此謂
段借旦明游行羨溢也

皇清經解卷六百二十三終

漢軍生員樊封校

皇清經解

卷查三

段大令所訂毛詩故訓傳

十一

皇清經解卷六百二十四

學海堂

毛詩故訓傳

金壇段大令

玉裁訂

蕩之什故訓傳第二十五 大雅

蕩之什十一篇九十二章七百六十九句

蕩八章章八句

蕩召穆公傷周室大壞也厲王無道天下蕩蕩無綱紀文章故作是詩也

蕩蕩上帝下民之穉疾威上帝其命多僻天生烝民其命匪諶靡不有初鮮克有終 文王曰咨咨女殷商會是彊禦會是培

克曾是在位曾是在服天降滔德女興是力 文王曰咨咨女

殷商而秉義類彊禦多對流言以對寇攘式內侯作侯祝靡届

皇清經解

卷之十四

段大令所訂毛詩故訓傳

一

靡究

文王曰咨咨女殷商女包休于中國斂怨以為德不明

爾德時無背無側爾德不明以無陪無卿 文王曰咨咨女殷

商天不湏爾以酒不義從式既愆爾止靡明靡晦式號式呼卑

晝作夜 文王曰咨咨女殷商如蜩如螗如蟀如沸如羹小大近喪

八尚乎由行內曩于中國覃及鬼方 文王曰咨咨女殷商匪

上帝不時殷不用舊雖無老成人尙有典刑曾是莫聽大命以

傾 文王曰咨咨女殷商人亦有言顛沛之揭枝未有害本實

先撥殷鑒不遠在夏后之世

上帝以託君王也穉君也疾威上帝疾病人矣威罪人矣諶

誠也咨嗟也強禦強梁禦善也培克自伐而好勝人也 定本

倍正義云謂己兼倍于人而自矜伐也今按毛意謂培自引

聚也訓以自伐猶自多也克之訓好勝人也孟子亦作培克

服服政事也天君滔漫也對遂也侯作侯祝作祝詛也

四字一句

作經傳皆如字侯作侯祝與乃宣乃敵爰始爰謀句法同

屆極究窮魚然猶彭亨也無背

背無臣無側側無人也無陪無陪貳也無卿無卿士也義宜也卑晝作夜使晝爲夜也蝸蟬也蟾蜍也人尚乎由行言居

人上欲用行是道也爨怒也不醉而怒曰爨鬼方遠方也顛

仆沛拔也

此謂段借也拔同跋

揭根見貌

抑十二章三章章八句九章章十句

抑衛武公刺厲王亦以自警也

抑抑威儀維德之隅人亦有言靡哲不愚庶人之愚亦職維疾

哲人之愚亦維斯戾

無競維人四方其訓之有覺德行四國

順之訥謨定命遠猶辰告敬慎威儀維民之則

其在于今與

皇清經解

卷六皇十四

段大令所訂毛詩故訓傳

二

迷亂于政顛覆厥德荒湛于酒女雖湛樂從弗念厥紹罔敷求

先王克其明刑

肆皇天弗尚如彼泉流無淪胥以亾夙與夜

寐洒埽廷內維民之章脩爾車馬弓矢戎兵用戒戎戎作用邊

方質爾民人

作人民者誤

謹爾侯度用戒不虞慎爾出話敬爾威

儀無不柔嘉白圭之玷

說文作剗

尙可磨也斯言之玷不可爲也

無易由言無曰苟矣莫捫朕舌言不可逝矣無言不讎無德不

報惠于朋友庶民小子子孫繩繩萬民是不承

依釋文別本與箋合

視

爾友君子輯柔爾顏不遐有愆相在爾室尙不媿于屋漏無曰

不顯莫云子覲神之格思不可度思矧可射思

辟爾爲德俾

臧俾嘉淑慎爾止不愆于儀不僭不賊鮮不爲則投我以桃報

之以李彼童而角實虹小子

荏染柔木言緡之絲溫溫恭人

維德之基其維哲人告之詒言順德之行其維愚人覆謂我僭
民各有心 於乎小子未知臧否匪手攜之言示之事匪回命
之言提其耳借曰未知亦既抱子民之靡盈誰夙知而莫成
昊天孔昭我生靡樂視爾夢夢我心懍懍誨爾諄諄聽我藐藐
匪用爲教覆用爲虐借曰未知亦聿既耄 於乎小子告爾舊
止聽用我謀庶無大悔天方艱難曰喪厥國取譬不遠昊天不
忒回通其德俾民大棘

抑抑密也隅廉也靡詰不愚國有道則知國無道則愚職主
戾罪也無競競也訓教覺直也訐大謨謀猶道長時也紹繼
其執刑法也淪率也洒灑章表也邊遠也質成也不虞非度
也話善言也玷缺也莫無捫持也鑿用也輯和也西北隅謂
皇清經解 卷六章三四 段大令所訂毛詩故訓傳 三

之屋漏覲見也格至也辟爾爲德俾臧俾嘉女爲善則民爲
善矣止至也爲人君止於仁爲人臣止於敬爲人子止於孝
爲人父止於慈與國人交止於信僭差也童羊之無角者也
而角自用也虹潰也緡被也溫溫寬柔也話言古之善言也
釋文曰話說文作詒蓋說文傳詩曰告之話言陸氏所
據未誤今本說文詩曰詒訓四字不成語淺人所改耳 借假
也莫晚也夢夢亂也懍懍憂不樂也藐藐然不入也耄老也
桑柔十六章八章章八句八章章六句

桑柔芮伯刺厲王也

菀彼桑柔其下侯旬捋采其剉瘼此下民不殄心憂倉兄填兮
倬彼昊天寧不我矜 四牡騤騤旒旐有翩亂生不夷靡國不
泯民靡有黎具禍以蓋於乎有哀國步斯頻 國步蔑資天不

我將靡所止疑云徂何往君子實維秉心無競誰生厲階至今
爲梗 憂心慙慙念我士宇我生不辰逢天憚怒自西徂東靡
所定處多我覲瘠孔棘我圍 爲謀爲比亂兄斯削告爾憂恤
誨爾序爵誰能執熱逝不以濯其何能淑載晉及溺 如彼遡
風亦孔之僂民有肅心莽云不逮好是家嗇力民代食家嗇維
寶代食維好 天降喪亂滅我立王降此孟賊稼穡卒瘁哀恫
中國具贅卒荒靡有旅力以念穹蒼 維此惠君民人所瞻秉
心宜猶考慎其相維彼不順自獨俾臧自有肺腸俾民卒狂
瞻彼中林牲牲其鹿朋友已僭不胥以穀人亦有言進退維谷
維此聖人瞻言百里維彼愚人覆狂以喜匪言不能胡斯畏
忌 維此良人弗求弗迪維彼忍心是顧是復民之貪亂寧爲

皇清經解

卷六十三

段大令所訂毛詩故訓傳

四

荼毒

大風有隧有空大谷維此良人作爲式穀維彼不順征以中

垢 大風有隧貪人敗類聽言則對誦言如醉匪用其良覆俾我悖
嗟爾朋友予豈不知而作如彼飛蟲時亦弋獲旣之陰女反予來
赫 民之罔極職涼善背爲民不利如云不克民之回通職競用力

民之未戾職盜爲寇涼曰不可覆背善言雖曰非子旣作爾歌

菀彼桑柔其下侯旬捋采其劉瘼此下民興也菀茂貌旬言

陰均也劉暴樂而希也瘼病也倉喪也兄滋也

此與常棣召
旻傳同彼作

茲此作滋

填久也昊天斥王者也駉駉不息也烏隼曰旗龜

蛇曰旒翩翩在路不息也夷平泯滅也黎齊也步行類急也

疑定也競彊厲惡梗病也宇居憚厚也圍垂也必慎也誰能
執熱逝不以濯濯所以救熱也禮亦所以必亂也邇鄉優嘔

此謂優卽誤之段借也說文曰崇飲食氣並不得息曰崇古文作𡗗居末切按志變字以此古文爲聲故經段優爲崇也
吧古書皆云於
邑吧乃俗字耳
莽使也代食無功者食天祿也贅屬荒虛也

穹蒼蒼天相質也牲牲眾多也谷竊也瞻言百里遠慮也迪

進也隧道也中垢言闇冥也類善也覆反也赫光也

定本集注作多
也顧廣圻曰依正義攷之古本作赫赫也涼薄也戾定也

謂此赫盛字卽拒赫字也古拒赫祇作赫
雲漢八章章十句

雲漢仍叔美宣王也宣王承厲王之烈內有撥亂之志遇裁而懼側身修行欲銷去之天下喜於王化復行百姓見憂故作是詩也

倬彼雲漢昭回于天王曰於乎何辜今之人天降喪亂饑饉薦

臻靡神不舉靡愛斯牲圭璧既卒寧莫我聽 早旣大甚溫隆

皇清經解 卷六 皇天 段大令所訂毛詩故訓傳

五

蟲蟲不殄禋祀自郊徂宮上下奠瘞靡神不宗后稷不克上帝

不臨耗斃下土寧丁我躬 早旣大甚則不可推兢兢業業如

霆如雷周餘黎民靡有孑遺矣上帝則不我遺胡不相畏先

祖于摧 早旣大甚則不可沮赫赫炎炎云我無所大命近止

靡瞻靡顧羣公先正則不我助父母先祖胡寧忍予 早旣大

甚滌滌山川旱魃爲虐如惓如焚我心憚暑憂心如熏羣公先

正則不我聞昊天上帝寧俾我遯 早旣大甚龜勉畏去胡寧

瘖我以旱僭不知其故祈年孔夙方社不莫昊天上帝則不我

虔敬恭明祀宜無悔怒 早旣大甚散無友紀鞠哉庶正疚哉

家宰趣馬師氏膳夫左右靡人不周無不能止瞻卬昊天云如

何里 瞻卬昊天有嘒其星大夫君子昭假無斃大命近止無

棄爾成何求爲我以戾庶正瞻仰昊天曷惠其寧

回轉也薦重臻至也溫隆蟲蟲溫溫而暑

溫讀爲溫鬱積也定本作藎

隆

隆而雷蟲蟲而熱也上下奠瘞靡神不宗上祭天下祭地奠冥其禮瘞瘞其物宗尊也國有凶荒則索鬼神而祭之丁當

也推去也兢兢恐也業業危也靡有子遺無子然遺失也

同摧至也沮止也赫赫旱氣也炎炎熱氣也大命近止民近

死也先正百辟卿士也父母先祖文武爲民父母也滌滌

山川滌滌旱氣也山無木川無水魃旱神也惓惓也

此謂惓即炎之

段借韓詩憚勞熏灼也悔恨也趣馬師氏膳夫左右靡人不

周言歲凶年穀不登則趣馬不秣師氏弛其兵馳道不除祭

事不縣膳夫徹膳左右布而不脩大夫不食梁士飲酒不樂

皇清經解 卷六十四

段大令所訂毛詩故訓傳

六

周救也無不能止言無止不能也嘽眾星貌假至也戾定也

崧高八章章八句

崧高尹吉甫美宣王也天下復平能建國親諸侯褒賞申伯焉

崧高維嶽駿極于天維嶽降神生甫及申維申及甫維周之翰

四國于蕃四方于宣 壘壘申伯王纘之事于邑于謝南國是

式王命召伯定申伯之宅登是南邦世執其功 王命申伯式

是南邦因是謝人以作爾庸王命召伯徹申伯土田王命傅御

遷其私人 申伯之功召伯是營有俶其城寢廟既成既成藐

藐王錫申伯四牡躡躡鉤膺濯濯 王遣申伯路車乘馬我圖

爾居莫如南土錫爾介圭以作爾寶往迎王舅南土是保 申

伯信邁王餞于鄒申伯還南謝于誠歸王命召伯徹申伯土疆

以峙其糧式遄其行 申伯番番既入于謝徒御嘽嘽周邦咸

喜戎有良翰不顯申伯王之元舅文武是憲 申伯之德柔惠

且直揉此萬邦開于四國吉甫作誦其詩孔頌其風肆好以贈

申伯 釋文曰贈送也詩之本皆余崔集注本作贈增也云增益申伯之美案增當是崔本作曾說文會字下亦云曾者益也

崧高貌山大而高曰崧嶽四嶽也東嶽岱南嶽衡西嶽華北

嶽恆堯之時姜氏爲四伯掌四嶽之祀述諸侯之職於周則

有甫有申有齊有許也駿大極至也嶽降神靈和氣以生申

甫之大功翰餘也謝周之南國也召伯召公也登成也功事

也庸城也徹治也御治事之官私人家臣也倣作也藐藐美

貌躡躡壯貌鉤膺樊纓也濯濯光明也乘馬四馬也寶瑞也

皇清經解 卷六十五

段大令所訂毛詩故訓傳

七

迓已也

已與忌同大叔于田傳曰忌辭也此傳謂迓者已之

已借箋申之曰已辭也讀如彼記之子之記王風彼其之子箋曰其或作記或作已讀聲相似鄭風箋曰忌讀如彼已之子之已蓋其記已忌迓五字同詞之助也已作成已字今本毛詩此及王風鄭風作已止字誤又鄭釋毛云已詞也今本仍作迓誤經傳迓誤作近則自唐然矣惟宋廖氏本作申伯宣王之舅也鄒地名番番勇武貌諸侯有大功則賜

虎賁徒御嘽嘽徒徒行者御御車者嘽嘽喜樂也不顯申伯

顯矣申伯也文武是憲言有文有武也吉甫尹吉甫也作誦

作是工師之誦也肆長也贈增也

烝民八章章八句

烝民尹吉甫美宣王也任賢使能周室中興焉

天生烝民有物有則民之秉彝好是懿德天監有周昭假于下

保茲天子生仲山甫 仲山甫之德柔嘉維則令儀令色小心

翼翼古訓是式威儀是力天子是若明命使賦 王命仲山甫
式是百辟續我祖考王躬是保出納王命王之喉舌賦政于外
四方爰發 肅肅王命仲山甫將之邦國若否仲山甫明之既
明且哲以保其身夙夜匪解以事一人 人亦有言柔則茹之
剛則吐之維仲山甫柔亦不茹剛亦不吐不侮矜寡不畏疆禦
人亦有言德輶如毛民鮮克舉之我義圖之維仲山甫舉之
愛莫助之袞職有關維仲山甫補之 仲山甫出祖四牡業業
征夫捷捷每懷靡及四牡彭彭八鸞鏘鏘王命仲山甫城彼東
方 四牡騤騤八鸞皆喑仲山甫徂齊式過其歸吉甫作誦穆
如清風仲山甫永懷以慰其心

烝眾物事則法彝常懿美也仲山甫樊侯也古故訓道若順

皇清經解

卷之三十四

段大令所訂毛詩故訓傳

八

賦布也戎大也喉舌冢宰也將行也義互也愛隱也

此謂愛
即愛之

賦袞有袞冕者袞冕君之上服也仲山甫補之善補過也仲

山甫出祖四牡業業征夫捷捷每懷靡及言述職也業業言

高大也捷捷言樂事也城彼東方東方齊也古者諸侯之居

逼隘則王者遷其邑而定其居蓋去薄姑而遷於臨菑也騤

騤猶彭彭也喑喑猶鏘鏘也式過其歸過疾也言周之望仲

山甫也清風清微之風化養萬物者也

韓奕六章章十二句

韓奕尹吉甫美宣王也能錫命諸侯

奕奕梁山維禹甸之有倬其道韓侯受命王親命之續我祖考
無廢朕命夙夜匪解虔共爾位朕命不易餘不庭方以佐戎辟

四牡奕奕孔修且張韓侯入覲以其介圭入覲于王王錫韓侯淑旂綬章簞蕭錯衡之袞赤鳥鉤膺鏤錫鞞輒淺嘖攸革金厄韓侯出祖出宿于屠顯父餞之清酒百壺其殽維何包鼈鮮魚其藪維何維筍及蒲其贈維何乘馬路車邁豆有且侯氏燕胥韓侯取妻汾王之甥蹶父之子韓侯迎止于蹶之里百兩彭彭八鸞翼翼不顯其光諸娣從之祁祁如雲韓侯顧之爛其盈門蹶父孔武靡國不到爲韓姑相攸莫如韓樂孔樂韓土川澤訐訐魴鱉甫甫麀鹿嘯嘯有熊有羆有貓有虎麀旣令居韓姑燕譽溥彼韓城燕師所完以先祖受命因時百蠻王錫韓侯其追其貊奄受北國因其伯實墉實壑實畝實藉獻其貔皮赤豹黃羆

皇清經解

卷六十五

段大令所訂毛詩故訓傳

九

奕奕大也甸治也禹治梁山除水蕞今宣王平大亂命諸侯有倬其道有倬然之道者也受命受命爲侯伯也戎大虔固其執也庭直也修長張大覲見也淑善也交龍爲旂綬大綬也毛意綬當作綬錯衡文衡也鏤錫金鏤其錫也鞞革也輒軾中也淺虎皮淺毛也嘖覆式也厄鳥喙也鳥喙卽小爾雅釋名之烏喙沈重音書是也正義牽介釋蟲鳥蠲如風馬牛不相及屠地名也此說文顯父有顯德者也藪菜

殽也筍竹也蒲蒲弱也汾大也蹶父卿士也里邑也祁祁徐覲也如雲言眾多也諸侯一取九女二國媵之諸娣眾妾也顧之曲顧道儀也曲顧見淮南鴻烈解列女傳白虎通道儀謂導引之儀也舊作義姑蹶父

姓也訐訐大也甫甫然大也嘯嘯然眾也貓似虎淺毛者也師眾也先祖韓侯之先祖武王之子也因時百蠻長是蠻服

之百國也追貊戎狄國也奄撫也實塘實壑言高其城深其壑也獻其貔皮赤豹黃羆貔猛獸也追貊之國來貢而侯伯總領之

江漢六章章八句

江漢尹吉甫美宣王也能興衰撥亂命召公平淮夷

江漢浮浮武夫滔滔匪安匪游淮夷來來既出我車既設我旗匪安匪舒淮夷來鋪 江漢湯湯武夫洸洸經營四方告成于

王四方既平王國庶定時靡有爭王心載寧 江漢之詩王命

召虎式辟四方徹我疆土匪疚匪棘王國來極于疆于理至于南海 王命召虎來甸來宣文武受命召公維翰無曰予小子

召公是似肇敏戎公用錫爾祉 釐爾圭瓚秬鬯一卣告于文

皇清經解

卷六章三四

段大令所訂毛詩故訓傳

十

人錫山土田于周受命自召祖命虎拜稽首天子萬年 虎拜

稽首對揚王休作召公考天子萬壽明明天子合聞不已矢其

文德洽此四國

浮浮眾彊滔滔廣大貌淮夷東國在淮浦而夷行者也鋪

病也

此謂鋪卽痛之假借

洸洸武貌召虎召穆公也甸徧也召公召康

公也似嗣

此謂似借

肇肇敏疾戎大公事也釐爾圭瓚秬鬯一卣

釐賜也秬黑黍也鬯香草也築萁合而鬱之曰鬯卣器也九

命錫圭瓚秬鬯人文德之人也錫山土田諸侯有大功德

賜之名山土田附庸對遂考成矢施也

常武六章章八句

常武召穆公美宣王也有常德以立武事因以爲戒然

赫赫明明王命卿士南仲大師皇父整我六師以修我戎
既敬既戒惠此南國 王謂尹氏命程伯休父左右陳行戒我
師旅率彼淮浦省此徐土不留不處三事就緒 赫赫業業有
嚴天子王舒保作匪紹匪游徐方釋騷震驚徐方如雷如霆徐
方震驚 王奮厥武如震如怒進厥虎臣闞如虓虎鋪敦淮濱
仍執醜虜截彼淮浦王師之所 王旅嘽嘽如飛如翰如江如
漢如山之苞如川之流縣縣翼翼不測不克濯征徐國 王猶
允塞徐方既來徐方既同天子之功四方既平徐方來庭徐方
不回王曰還歸

赫赫然盛也明明然察也王命卿士南仲大師王命南仲於
大祖也大師皇甫皇甫爲大師也王謂尹氏命程伯休父尹
皇清經解

卷五十五

段大令所訂毛詩故訓傳

十一

氏堂命卿士程伯休父始命爲大司馬也浦厓也不留不處
三事就緒誅其君弔其民爲之立三有事之臣也赫赫然盛
也業業然動也嚴嚴然而威舒序也保安也匪紹匪遊不敢
繼以放遊也釋陳騷動也 此謂騷卽騷之段 虓虎虎之自怒
虓然也潰涯仍就虜服也截治也嘽嘽然盛也如飛疾如飛
如翰擊如翰苞本也縣縣靚也翼翼敬也濯大也猶謀也來
庭來王庭也

瞻卬七章三章章十句四章章八句
瞻卬凡伯刺幽王大壞也

瞻卬昊天則不我惠孔填不寧降此大厲邦靡有定士民其瘵
蝨賊蝨疾靡有夷届罪罟不收靡有夷瘳 人有土田女反有

之人有民人女覆奪之此豈無罪女反收之彼互有罪女覆說之哲夫成城哲婦傾城懿厥哲婦爲梟爲鴟婦有長舌維厲之階亂匪降自天生自婦人匪教匪誨時維婦寺 鞠人伎忒僭始竟背豈曰不極伊胡爲慝如賈三倍君子是識婦無公事休其蠶織 天何以刺何神不富舍爾介狄維子胥忌不弔不祥威儀不類人之云亾邦國殄瘁 天之降罔維其優矣人之云亾心之憂矣天之降罔維其幾矣人之云亾心之悲矣 霽沸檻泉維其深矣心之憂矣寧自今矣不自我先不自我後藐藐昊天無不克鞏無忝皇祖式救爾後

昊天斥王也填久厲惡也瘵病夷常也罪罟設罪以爲罟膠愈也收拘收也說赦也哲知也寺近也此謂寺卽持之段借伎害忒變

皇清經解

卷之五十四

段大令所訂毛詩故訓傳

三

也婦無公事休其蠶織休息也婦人無與外政雖王后猶以蠶織爲事古者天子爲藉千畝冕而朱紘躬秉耒諸侯爲藉百畝冕而青紘躬秉耒以事天地山川社稷先古敬之至也天子諸侯必有公桑蠶室近川而爲之築宮仞有三尺棘牆而外閉之及大昕之朝君皮弁素積卜三宮之夫人世婦之吉者使入蠶于蠶室奉種浴于川桑于公桑風戾以食之歲旣單矣世婦卒蠶奉繭以示于君遂獻繭于夫人夫人曰此所以爲君服與遂副禕而受之少牢以禮之及良日后夫人纁三盆手遂布于三宮夫人世婦之吉者使纁遂朱綠之玄黃之以爲黼黻文章服旣成矣君服之以祀先王先公敬之至也刺責富福狄遠忌怨也類善殄盡瘁病也優渥也幾危

也藐藐大貌

藐訓小亦訓大
小極則大形也

鞏固也

召旻七章四章章五句三章章七句

召旻凡伯刺幽王大壞也旻閔也閔天下無如召公之臣也

旻天疾威天篤降喪瘕我饑饉民卒流亡我居圉卒荒 天降

罪罟蝨賊內訌昏椽靡共潰潰回逾實靖夷我邦 皋皋訛訛

曾不知其玷兢兢業業孔填不寧我位孔貶 如彼歲旱草不

潰茂如彼棲苴我相此邦無不潰止 維昔之富不如時維今

之疚不如茲彼疏斯裨胡不自替職兄斯引 池之竭矣不云

自瀕泉之竭矣不云中溥斯害矣職兄斯弘不裁我躬 昔

先王受命有如召公曰薛國百里今也曰蹙國百里於乎哀哉

維今之人不尚有舊

皇清經解

卷之五十四

大令所訂毛詩故訓傳

三

圉垂也訌潰也椽天椽也潰潰亂也

此謂潰潰卽潰潰之段借靖謀夷平

也皋皋頑不知道也訛訛厥不供事也貶隊也潰遂也苴水

中浮草也維昔之富不如時往者富仁賢今也富讒佞也維

今之疚不如茲今則病賢也彼疏斯裨彼空食疏今反食精

裨替廢兄茲也引長也瀕厓也泉之竭矣不云中泉水從

中以益者也薛開蹙促也

皇清經解卷六百二十五

學海堂

毛詩故訓傳

金壇段大令玉裁訂

清廟之什故訓傳第二十六 周頌

清廟之什十篇十章九十五句

清廟一章八句

清廟祀文王也周公既成雒邑朝諸侯率以祀文王焉

於穆清廟肅雝顯相濟濟多士秉文之德對越在天駿奔走在

廟不顯不承無射於人斯

於歎辭也穆美肅敬雝和相助也秉文之德執文德之人也

駿長也不顯顯於天矣不承見承於人矣無射於人斯不見

厭於人矣

皇清經解

卷之三十五

段大令所訂毛詩故訓傳

一

維天之命一章八句

維天之命大平告文王也

維天之命於穆不已於乎不顯文王之德之純假以溢我我其

收之駿惠我文王曾孫篤之

維天之命於穆不已孟仲子曰大故天命之無極而美周之

禮也

美周之禮纒釋全篇非謂首二句也

純大假嘉與假樂同溢愼收聚也曾孫篤

之成王厚之也

維清一章五句

維清奏象舞也

維清緝熙文王之典肇禋迄用有成維周之祺

典法也肇始禋祀也迄至祺祥也

烈文一章十三句

烈文成王即政諸侯助祭也

烈文辟公錫茲祉福惠我無疆子孫係之無封靡于爾邦維王其崇之念茲戎功繼序其皇之無競維人四方其訓之不顯維德百辟其刑之於乎前王不忘

烈光也錫茲祉福文王錫之也封大也靡累也崇立也戎大皇美也競疆訓道也前王武王也

天作一章七句

天作祀先王先公也

天作高山大王荒之彼作矣文王康之彼徂矣三字岐有夷之

五字句韓詩外傳說苑引皆然子孫係之

皇清經解卷之三十五 段大令所訂毛詩故訓傳

天作高山大王荒之作生荒大也天生萬物於高山大王行

道能大之文王又能安天之所作也晉語叔詹曰周頌曰天作高山大王荒之荒大

之也大天所作可謂親有天矣箋云大王能尊大之今本傳云能安天之所作蓋誤奪六字今補大訓荒安訓康夷

易也

昊天有成命一章七句

昊天有成命郊祀天地也

昊天有成命二后受之成王不敢康夙夜基命宥密於緝熙單

厥心肆其靖之

二后文武也基始命信宥寬密宥也緝明熙廣鄭云廣當為光單厚

肆固鄭云固靖和也當為故

我將一章十句

我將祀文王於明堂也

我將我享維羊維牛維天其右之儀式刑文王之典日靖四方
伊嘏文王既右饗之我其夙夜畏天之威于時保之

將大亨獻也儀善刑法典常靖謀也

時邁一章十五句

時邁巡守告祭柴望也

時邁其邦昊天其子之實右序有周溥言震之莫不震疊懷柔
百神及河喬嶽允王維后明昭有周式序在位載戢于戈載櫜
弓矢我求懿德肆于時夏允王保之

邁行震動疊懼懷來柔安喬高也高岳岱宗也明昭明矣知
未然也昭然不疑也戢聚囊韜也夏大也

皇清經解

卷查三五

段大合所訂毛詩故訓傳

三

執競一章十四句

執競祀武王也

執競武王無競維烈不顯成康上帝是皇自彼成康奄有四方
斤斤其明鍾鼓喤喤磬筦將將降福穰穰降福簡簡威儀反反
既醉既飽福祿來反

無競競也烈業也不顯成康不顯乎其成大功而安之也顯
光也皇美也自彼成康用彼成安之道也奄同也斤斤明察
也喤喤和也將將集也穰穰眾也簡簡大也反反難也反復
也

思文一章八句

思文后稷配天也

思文后稷克配彼天立我烝民莫匪爾極貽我來牟帝命率育
無此疆爾介釋文云介音吟大也按箋以汝今之經喻釋經爾
正文介字唐石經初陳常于時夏
刻盼後改介是也

極中也來牟麥也來字補率用也

皇清經解卷六百二十五終

漢軍生員樊封校

皇清經解

卷六百五

段大令所訂毛詩故訓傳

四

皇清經解卷六百二十六

學海堂

毛詩故訓傳

金壇段大令

王裁訂

臣工之什故訓傳第二十七 周頌

臣工之什十篇十章一百六句

臣工一章十五句

臣工諸侯助祭遣於廟也

嗟嗟臣工敬爾在公王釐爾成來咨來茹嗟嗟係介維莫之春亦又何求如何新畚於皇來牟將受厥明明昭上帝迄用康年命我眾人庀乃錢鏹奄觀銜艾

嗟嗟敕之也工官也公君也田二歲曰新田三歲曰畝康樂

也庀具錢鏹鏹艾穫也

艾字今補艾同又刈箋云終久必多銜艾勸之也

皇清經解 卷六百二十六

段大令所訂毛詩故訓傳

一

噫嘻一章八句

噫嘻春夏祈穀于上帝也

噫嘻成王既昭假爾率時農夫播厥百穀駿發爾私終三十里亦服爾耕十千維耦

噫歎也嘻勅也成王成是王事也駿發爾私私民田也言上欲富其民而讓於下欲民之大發其私田耳終三十里言各極其望也

振鷺一章八句

振鷺二王之後來助祭也

振鷺于飛于彼西雝我客戾止亦有斯容在彼無惡在此無數庶幾夙夜以永終譽

振鷺于飛于彼西雝與也振振羣飛貌鷺白鳥也雝澤也客
二王之後

豐年一章七句

豐年秋冬報也

豐年多黍多稌亦有高廩萬億及秬為酒為醴烝畀祖妣以洽
百禮降福孔皆

豐大稌稻也廩所以藏蠶盛之穗者也數萬至萬曰億數億
至億曰秬皆徧也

有瞽一章十三句

有瞽始作樂而合乎祖也

有瞽有瞽在周之庭設業設虛崇牙樹羽應田縣鼓鞀磬柷圉
皇清經解 卷三十六 段大令所訂毛詩故訓傳 二

既備乃奏簫管備舉喤喤厥聲肅雝和鳴先祖是聽我客戾止

永觀厥成

瞽樂官也業大板也所以飾柷為縣者也者字補攄業如鋸齒

或曰畫之

或曰二字當作以白字之誤也說文業字下曰大

鉏鋸相

版也所以飾縣鍾鼓攄業如鋸齒以白畫之象其

植者為虞衡者為柷崇牙上飾卷然可以縣者也者字補

樹羽置羽也應小鞀也田大鼓也縣鼓周鼓也鞀鞀鼓也

潛季冬薦魚春獻鮪也

潛季冬薦魚春獻鮪也

潛沮岐周之二水也潛糝也疏从木釋文依古本从米釋文是也此本無其字依聲託專

雝一章十六句

雝禘大祖也

有來雝雝至止肅肅相維辟公天子穆穆於薦廣牡相予肆祀
假哉皇考綏予孝子宜哲維人文武維后燕及皇天克昌厥後
綏我眉壽介以繁祉既右烈考亦右文母

相助廣大也假嘉也燕安也烈考武王也文母大嫺也

載見一章十四句

載見諸侯始見乎武王廟也

載見辟王曰求厥章龍旂陽陽和鈴央央攸革有鶴休有烈光
率見昭考以孝以享以介眉壽永言保之思皇多祐烈文辟公
綏以多福俾緝熙于純嘏

皇清經解

卷六章二

段大令所訂毛詩故訓傳

三

載始也龍旂陽陽言有文章也和在載前鈴在旂上攸革有
鶴言有法度也昭考武王也享獻也

有客一章十二句

有客微子來見祖廟也

有客有客亦白其馬有萋有苴敦琢其旅有客宿宿有客信信
言受之禁以繫其馬薄言追之左右綏之既有淫威降福孔夷
白馬殷尚白也亦亦問也萋且敬慎貌一宿曰宿再宿曰信
以繫其馬欲繫其馬而雷之淫大威則夷易也

武一章七句

武奏大武也

於皇武王無競維烈允文文王克開厥後嗣武受之勝殷遏劉

者定爾功

烈業也武迹劉殺者致也

皇清經解卷六百二十六終

漢軍生員樊討校

皇清經解

卷六百二十六

段大令所訂毛詩故訓傳

四

皇清經解卷六百二十七

學海堂

毛詩故訓傳

金壇段大令

王裁訂

閔予小子之什故訓傳第二十八 周頌

閔予小子之什十一篇十一章百三十七句

閔予小子一章十一句

閔予小子嗣王朝於廟也

閔予小子遭家不造嬖嬖在疚於乎皇考永世克孝念茲皇祖

降降庭止維予小子夙夜敬止於乎皇王繼序思不忘

閔病造為疾病也庭直也序緒也

此謂序即緒之段借

訪落一章十二句

訪落嗣王謀於廟也

皇清經解

卷六百二十七

段大令所訂毛詩故訓傳

訪予落止率時昭考於乎悠哉朕未有艾將予就之繼猶判渙

維予小子不堪家多難紹庭上下陟降厥家休矣皇考以保明

其身

訪謀落始時是率循悠遠猶道判分渙散也

敬之一章十二句

敬之羣臣進戒嗣王也

敬之敬之天維顯思命不易哉無曰高高在上陟降厥士日監

在茲維予小子不聰敬止日就月將學有緝熙于光明佛時仔

肩示我顯德行

顯見士事也小子嗣王也將行也光廣也佛大也

爾雅廢大也古佛費

廢音仔肩克也

小毖一章八句

小毖嗣王求助也

于其懲而疏於而字句絕各本皆云小毖一章八句

毖後思莫予荇芡釋文蜂本又作芡葉抄作

豎加山宋元木附音同明監木毛木附音作豲不誤自求辛螫肇允彼桃蟲拚飛維鳥未

堪家多難予又集于蓼

愆慎也荇芡瘳曳也桃蟲鷓也鳥之始小終大者堪任子我

也我又集于蓼言辛苦也

載芟一章三十一句

載芟春藉田而祈社稷也

載芟載柞其耕澤澤千耦其耘徂隰徂畛侯主侯伯侯亞侯旅

侯疆侯以有噴其饁思媚其婦有依其士有略其耜俶載南畝

皇清經解

卷六十三

段大令所訂毛詩故訓傳

二

播厥百穀實函斯活驛驛其達有厭其傑厭厭其苗綿綿其鹿

載穫濟濟有實其積萬億及秭爲酒爲醴烝畀祖妣以洽百禮

有飶其香邦家之光有俶其馨依沈重作俶胡考之寧匪且有且匪

今斯今振古如茲

除草曰芟除木曰柞畛場也主家長也伯長子也亞仲叔也

旅子弟也疆疆力也以用也噴厭兒士子弟也略利也達射

也有厭其傑言傑苗厭然特美也說文所謂樹也鹿耘也此謂應即

說文曰穰濟濟難也濟同飶芬香兒香釋文俶猶飶也按俶

耘禾間也切氣出土也意同沈說是陸說非也

振自也

良耜一章二十三句

良耜秋報社稷也

畎畷良耜俶載南畝播厥百穀實函斯活或來瞻女載筐及筥其饌伊黍其笠伊糾其鍤斯趙以薺荼蓼荼蓼朽止黍稷茂止穫之抃抃積之粟粟其崇如墉其比如櫛以開百室百室盈止婦子寧止殺時惇牡有捄其角以似以續續古之人

畎畷猶測測也笠所以禦暑雨也趙刺也蓼水草也抃抃穫聲也粟粟眾多也墉城也黃牛黑唇曰惇有捄其角社稷之牛角尺也以似以續嗣前歲續往事也

絲衣一章九句

絲衣繹賓尸也高子曰靈星之尸也

絲衣其紉載弁俵俵自堂徂基自羊徂牛鼐鼎及鼐兕觥其觶

皇清經解

卷六十七

段大令所訂毛詩故訓傳

三

旨酒思柔不吳不敖釋文作吳正義作娛泮水同胡考之休

絲衣祭服也紉絜鮮貌俵俵恭順貌基門塾之基自羊徂牛言先小後大也大鼎謂之鼐小鼎謂之鼐吳譁也考成也

酌一章九句

唐宋元古本皆作九句岳本於公字句正合箋意

酌告成大武也言能酌先祖之道以養天下也

於鑠王師遵養時晦時純熙矣是用大介我龍受之躑躑王之造載用有嗣實惟爾公允師

鑠美遵率養取晦昧也龍和也亦見長發躑躑武貌造爲也公事也

桓一章九句

桓講武類禡也桓武志也

綏萬邦婁豐年天命匪解桓桓武王保有厥土于以四方克定厥家於昭于天皇以閒之

士事也閒代也

賚一章六句

賚大封於廟也賚予也言所以錫予善人也

文王既勤止我應受之敷時釋思我徂維求定時周之命於釋思

勤勞應當釋陳也

般一章七句

般巡守而祀四嶽河海也般樂也此三字依集注及正義本

於皇時周陟其高山墮山喬嶽允猶翕河敷天之下裛時之對

皇清經解

卷六直十七

段大令所訂毛詩故訓傳

四

時周之命

高山四嶽也墮山山之墮墮小者也翕合裛聚也

皇清經解卷六百二十八

學海堂

毛詩故訓傳

金壇段大令

玉裁訂

駟故訓傳第二十九

魯頌

駟四篇二十三章二百四十三句

駟四章章八句

駟頌僖公也能遵伯禽之法儉以足用寬以愛民務農重穀牧于坰野魯人尊之於是季孫行父請命于周而史克作是頌

駟駟牧馬

駟駟當依釋文所引說文作駟駟下當云薄言駟者

在坰之野薄言駟者有駟

有皇有驪有黃以車彭彭思無疆思馬斯臧 駟駟牧馬在坰之野薄言駟者有駟有騶有驪有騶有騶以車伍伍思無期思馬斯才 駟駟牧馬在坰之野薄言駟者有騶有駟有駟有雜以車釋

皇清經解

卷六百二十八

段大令所訂毛詩故訓傳

一

釋思無斃思馬斯作

駟駟牧馬在坰之野薄言駟者有駟有

駟有驪有魚以車祛祛思無邪思馬斯徂

駟駟牧馬駟駟良馬腹榦肥張也坰遠野也邑外曰郊郊外

曰野野外曰林林外曰坰牧之坰野則駟駟然驪馬白騰曰

驪黃白曰皇純黑曰驪黃駟曰黃諸疾六閑馬四種有良馬

有戎馬有田馬有駕馬彭彭有力有容也蒼白雜毛曰騶黃

白雜毛曰騶赤黃曰駟蒼駟曰騶

蒼駟即蒼駟也小戎傳駟駟文也正義作駟文李善

諸白馬賦注引同戶鳩傳駟駟文也釋文作駟文顧命馬鄭本作駟弁校本作駟弁是古通段駟為駟此傳俗本作蒼駟誤今依正義及岳本 任任有力也才多材也青驪駟曰騶白馬黑鬣曰

駟赤身黑鬣曰駟黑身白鬣曰雜釋釋善足也作始也陰白

雜毛曰駟彤白雜毛曰駟豪駟曰騶

說文駟馬豪駟也騶駟馬黃脊也與毛異正義

爵下有
白恐衍

一目白曰魚

依釋文作一目祛祛疆健也
毛傳與爾雅異

有駉三章章九句

有駉頌僖公君臣之有道也

有駉有駉駉彼乘黃夙夜在公在公明明振振鷺鷥于下鼓咽咽醉言舞于胥樂兮 有駉有駉駉彼乘牡夙夜在公在公飲酒振振鷺鷥于飛鼓咽咽醉言歸于胥樂兮 有駉有駉駉彼乘駒夙夜在公在公載燕自今以始歲其有君子有穀詒孫子于胥樂兮

駉馬肥疆貌馬肥疆則能升高進遠臣疆力則能安國振振羣飛貌鷺白鳥也以興黎白之士咽咽鼓節也夙夜在公在公飲酒言臣有餘敬而君有餘惠也

皇清經解

卷六巨天

段大令所訂毛詩故訓傳

一一

其有豐年也

泮水八章章八句

泮水頌僖公能修泮宮也

思樂泮水薄采其芹魯侯戾止言觀其旂其旂伐伐鸞聲喑喑無小無大從公于邁 思樂泮水薄采其藻魯侯戾止其馬蹻蹻其馬蹻蹻其音昭昭載色載笑匪怒伊敘 思樂泮水薄采其蒲魯侯戾止在泮飲酒既飲旨酒永錫難老順彼長道屈此羣醜 穆穆魯侯敬明其德敬懼威儀維民之則允文允武昭假烈祖靡有不孝自求伊祐 明明魯侯克明其德既作泮宮淮夷攸服矯矯虎臣在泮獻馘淑問如皋陶在泮獻囚 濟濟多士克廣德心桓桓于征狄彼東南

狄毛蓋以爲逃之段借訓遠與瞻印同

烝烝

皇皇不吳不瘍不告于訓在泮獻功 角弓其斛束矢其授戎車孔博徒御無斃既克淮夷孔淑不逆式固爾猶淮夷卒獲

翩彼飛鵝集于泮林食我桑黹懷我好音憬彼淮夷來獻其琰元龜象齒大賂南金

泮水泮宮之水也天子辟雍諸侯泮宮言水則采取其芹宮

則采取其化戾來止至也言觀其旂言法則其文章也伐伐

言有法度也噉噉言其聲也 噉噉聲歲戌聲說文引此詩作

誤傳曰言其聲也作鉞鉞則於聲不似矣鉞辛聿切鉞王伐切采殺傳曰鸞聲喑喑中節也不與此傳同者字殊則義殊也

其馬躑躅言彊盛也色溫潤也菲鳧葵也屈收醜衆也假

至也囚拘也桓桓威武貌烝烝厚也皇皇美也瘍傷也斛弛

貌五十矢爲束搜衆意也翩飛貌鴟惡聲之鳥也騏桑實也

皇清經解

卷六皇十

段大令所訂毛詩故訓傳

三

憬遠行貌琰寶也元龜龜尺二寸 補一賂遺也南謂荆揚也

闕宮八章二章章十七句一章十二句一章二十八句二

章章八句二章章十句

闕宮頌僖公能復周公之宇也

闕宮有衎實實枚枚赫赫姜嫄其德不回上帝是依無災無害

彌月不遲是生后稷降之百福黍稷重穰稷穰麥奄有下國

俾民稼穡有稷有黍有稻有秬奄有下土纘禹之緒 后稷之

孫實維大王居岐之陽實始翦商至于文武纘大王之緒致天

之届于牧之野無貳無虞上帝臨女敦商之旅克咸厥功王曰

叔父建爾元子俾侯于魯大啟爾宇爲周室輔 乃命魯公俾

侯于東錫之山川土田附庸周公之孫莊公之子龍旂承祀六

轡耳耳春秋匪解享祀不忒皇皇后帝皇祖后稷 享以騂犧
是饗是宜降福既多周公皇祖亦其福女秋而載嘗夏而楅衡
白牡駢剛犧尊將將毛包載羹籩豆大房萬舞洋洋孝孫有慶
俾爾熾而昌俾爾壽而臧保彼東方魯邦是常不虧不崩不震
不騰三壽作朋如圖如陵公車千乘朱英綠縵二矛重弓公徒
三萬貝冑朱綬烝徒增增戎狄是膺荆舒是懲則莫我敢承俾
爾昌而熾俾爾壽而富黃髮台背壽胥與試俾爾昌而大俾爾
耆而艾萬有千歲眉壽無有害 泰山巖巖魯邦所詹奄有龜
蒙遂荒大東至于海邦淮夷蠻貊及彼南夷莫不率從莫敢
不諾魯侯是若 天錫公純嘏眉壽保魯居常與許復周公之
皇清經解 卷之六 段大令所訂毛詩故訓傳 四

字魯侯燕喜令妻壽母宐大夫庶士邦國是有既多受祉黃髮
兒齒 徂來之松新甫之柏是斲是度是等是尺松栢有烏路
寢孔碩新廟奕奕奚斯所作孔曼且碩萬民是若

闕宮有徂闕閉也先妣姜嫄之廟在周常閉而無事孟仲子
曰是謀宮也徂清靜也 靜俗本作淨 依釋文正 實實廣大也枚枚蕃密

也 此與東山枚 微也同意 上帝是依依其子孫也先種曰植後種曰擗

緒業也翦齊也 象始與商齊等說文引實始斲商斲乃翦之

段借字耳如竹 虞誤也 此謂 王成王也 元首字居也 周公之 箭之爲竹晉

孫莊公之子謂僖公也耳耳然至盛也駢亦犧純也秋而載

嘗諸侯夏禘則不禴秋禘則不嘗唯天子兼之楅衡設牛角

以偏之也白牡周公牲也騂剛魯公牲也犧尊尊有沙飾也

補一 尊字 毛包豚也 魚當作炮 魚卽魚字 截肉也 羹大羹 劔羹也 大房半體

之俎也 洋洋衆多也 震動也 騰乘也 壽考也 公車千乘 大國之賦 千乘 朱英 矛飾也 滕繩也 重弓重於鬯中也 貝胄貝飾

也 朱綬以朱綬綴之 增增衆也 膺當承止也 詹至也 龜山也

蒙山也 荒有也 鳧山也 繹山也 宅居也 淮夷蠻貊 蠻貊而夷

行也 俗本脫蠻貊二字 今補上章已言淮夷 故此言蠻 南夷 猶如淮夷 蠻貊者 劣於夷者也 而夷行則進矣

荆楚也 諾順 諾若聲 故其義同 若 若順也 常許魯南鄙西鄙 徂徠山也

新甫山也 八尺曰尋 榘榘也 寫大貌 路寢正寢也 新廟閔

廟也 奚斯所作 有大夫公子奚斯者 作是詩也 詩舊作廟 奚斯所作 何

不上屬與 節南山 巷伯 崧高 烝民 末章文 法皆同 毛與韓詩說同 至鄭箋乃為異說 曼長也

皇清經解 卷六百二十六 段大令所訂毛詩故訓傳 五

皇清經解卷六百二十九

學海堂

毛詩故訓傳

金壇段大令

玉裁訂

那故傳第三十 商頌

那五篇十六章百五十四句

那一章二十二句

那祀成湯也微子至于戴公其間禮樂廢壞有正考甫者得商頌十二篇於周之大師以那為首

猗與那與置我鞀鼓奏鼗簡簡衍我烈祖湯孫奏假綏我思成鞀鼓淵淵嘒嘒管聲既和且平依我磬聲於赫湯孫穆穆厥聲庸鼓有數萬舞有奕我有嘉客亦不夷釋自古在昔先民有作温恭朝夕執事有恪顧予丞嘗湯孫之將

皇清經解

卷六百二十九

段大令所訂毛詩故訓傳

一

猗歎辭那多也鞀鼓樂之所成也夏后氏足鼓殷人置鼓鄭

置讀周人縣鼓衍樂也烈祖湯有功烈之祖也假大也嘒嘒

然和也平正平也依倚也磬聲聲之清者也以象萬物之成

周向臭殷向聲於赫湯孫盛矣湯為人子孫也大鍾曰庸歌

數然盛也奕奕然閑也嫺習段

問馬父曰先聖王之傳秦猶不敢專稱曰自古右曰在昔昔

曰先民章注引傳亦云先王稱之曰自古然則各本作在古

誤也日本古古曰在昔昔曰先民有作有所作也恪敬也

本有作自者

烈祖一章二十二句

烈祖祀中宗也
嗟嗟烈祖有秩斯祐申錫無疆及爾斯所既載清酤賚我思成
亦有和羹既戒既平饜假無言時靡有爭綏我眉壽黃耇無疆

約軼錯衡八鸞鶴鷁以假以享我受命溥將自天降康豐年穰穰來假來饗降福無疆顧予丕嘗湯孫之將

秩常申重酏酒賚賜也戒至也

戒訓至首謂戒為假之假借也釋詁曰假至也許叔重曰

假讀若莘饜假無言時靡有爭饜總此謂假借即陳風之饜數也假大也總大

無言無爭也八鸞鶴鷁言文德之有聲也以假以享假大也

又言假大也者以別於下文之來假訓至也去鳥長發假字毛不釋者蓋皆訓至

玄鳥一章二十二句

玄鳥祀高宗也

鄭云祀當為詒

天命玄鳥降而生商宅殷土芒芒古帝命武湯正域彼四方方命厥后奄有九有商之先后受命不殆在武丁孫子武丁孫子

武王靡不勝龍旂十乘大糇是承邦畿千里維民所止肇域彼

皇清經解

卷六十三

段大令所訂毛詩故訓傳

二

四海四海來假來假祁祁景員維河殷受命咸宜百祿是何

天命玄鳥降而生商玄鳥敷也春分玄鳥降湯之先祖有妣

氏女簡狄配高辛氏帝帝率與之所於郊禘而生契故本其

為天所命以玄鳥至而生焉芒芒大貌正長域有也九有九

州也武丁高宗也勝任也畿疆也景大員均

此謂段借何任也

長發七章一章八句四章章七句一章九句一章六句

長發大禘也

濬哲維商長發其祥洪水芒芒禹敷下土方外大國是疆幅隕

既長有城方將帝立子生商 玄王桓撥受小國是達受大國

是達率履不越遂視既發相土烈烈海外有截 帝命不違至

于湯齊湯降不遲聖敬日躋昭假遲遲上帝是祇帝命式于九

圍 受小球大球爲下國綴旒何天之休不競不絀不剛不柔
敷政優優百祿是道 受小共大共爲下國駿龐何天之龍敷
奏其勇不震不動不難不疎百祿是總 武王載旆有虔秉鉞
如火烈烈則莫我敢曷苞有三斃莫遂莫達九有有截韋願旣
伐昆吾夏桀 昔在中葉有震且業允也天子降予卿士實維
阿衡實左右商王

濬深洪大也諸夏爲外幅廣也隕均也

與玄鳥
貞同

有娥契母也

將大也帝立子生商契生商也立王契也桓大撥治履禮也

相土契孫也烈烈威也至于湯齊至湯與天心齊也不遲言

疾也躋升也九圍九州也球玉綴表

綴與墜雙聲
故得訓表

旒章也棘

急也優優和也道聚也共注駿大厖厚龍和也

龍者木德
故爲和 難

皇清經解

卷六章九

段大令所訂毛詩故訓傳

三

恐疎懼也武王湯也旆旌也虔固曷害也

以曷爲害喻以害
爲曷互相假借

苞本葉餘也有韋國者有顧國者有昆吾國者葉世也業危

也阿衡伊尹也左右助也

殷武六章三章章六句二章章七句一章五句

殷武祀高宗也

榘彼殷武奮伐荆楚桀八其阻哀荆之旅有截其所湯孫之緒

維女荆楚居國南鄉昔有成湯自彼氏羌莫敢不來享莫敢不

來王曰商是常 天命多辟設都于禹之績歲事來辟勿予禍

通稼稽匪解

天命降監下民有嚴不僭不濫不敢怠遑命于

下國封建厥福

商邑翼翼四方之極赫赫厥聲濯濯厥靈壽

考且寧以保我後生

陟彼景山松柏丸丸是斲是遷方斲是

虔松栢有榘旅楹有閑寢成孔安

榘疾意也殷武殷王武丁也荆楚荊州之楚國也采深

采深宋家體作

突古深淺字如此傳以深釋采以今字釋古字也同式針切梁从岡水聲面規切其義冒也此則鄭本如是釋文不能分別誤

哀聚也鄉所也辟君適過也嚴敬也不僭不濫賞不僭

刑不濫也封大也商邑上京師也九九易直也遷徙虔敬也榘

長貌釋文曰柔榘物同耳老子音義曰榘字林云長也丑連反又一日柔榘合此二音義觀之則毛詩本作榘而說文木部榘字

恐後人屬入旅陳也寢路寢也

毛詩故訓傳三十卷懋堂先生訂定之冊以近人所云毛詩乃朱子集傳而非毛傳也編入經解謹曰不宜後之人有專為毛傳作疏者宜以此為定本云錢塘嚴木識

工部都水司郎中臨川李秉綬刊

皇清經解

卷五十九

段大令所訂毛詩故訓傳

四

皇清經解卷六百二十九終

漢軍生員樊封校

